



Broj: 01/01- 34- 4002/20

Sarajevo, 27.10.2020. godine

**BOSNA I HERCEGOVINEA  
FEDERACIJA BOSNE I HERCEGOVINE**

- Ured za borbu protiv korupcije i upravljanje kvalitetom
  - ul. Reisa Džemaludina Čauševića 1
- Kantonalno tužilaštvo Kantona Sarajevo
  - ul. Radićeva 6
- Federalna uprava policije
  - ul. Mehmeda Spahe 7
- Ministarstvo unutrašnjih poslova Kantona Sarajevo
  - Odjeljenje za privredni kriminal
    - ul. La Benevolencije 16
- Ministarstvo unutrašnjih poslova Kantona Sarajevo
  - n/r Ministra
    - ul. La Benevolencije 16
- Federalno ministarstvo unutrašnjih poslova
  - n/r Ministra
    - ul. Mehmeda Spahe 7
- Vlada Kantona Sarajevo
  - ul. Reisa Džemaludina Čauševića 1
- Ministarstvo za rad, socijalnu politiku, raseljena lica i izbjeglice Kantona Sarajevo
  - ul. Reisa Džemaludina Čauševića 1

Predmet: Informacija – dostavlja se,

Poštovani,

**SADA JE STVARNO DOSTA!**

Citiram izjavu g. Pećanca: "...Služba pretvori u bankomat za stranke i pojedince, čemu upravo opet TRENTUTNO SLUŽI".

Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba) ne služi kao bankomat niti jednoj političkoj stranci, ali ono što narušava ugled ove Javne ustanove su upravo ovakve izjave i sve izjave koje su dole citirane, a koje se šire društvenim mrežama. Ja mogu razumjeti opsjednutost g. Pećanca poslom koji je kratko obavljao u Službi, ali moram upozoriti sve gore subjekte da se njegove objave šire i da se stvara slika da se u Službi krade i da jedino za to služi. Ovakvo djelovanje izaziva revolt kod korisnika i ovim pismom želim da ukažem da u slučaju incidenta u Službi, a povodom konstantnih insinuacija g. Pećanca, neću da snosim bilo kakvu odgovornost jer živimo u teškim vremenima i Služba se bori sa enormnim prilivom prijava i odjava korisnika, porastom novčanih naknada koje su u odnosu na Plan poslovanja za 2020. godinu (plan predao g. Pećanac) porasle za minimalno 10 mil. KM (povećanje cca 100%), drastičnim porastom u pružanju ostalih usluga i nervosa i korisnika i zaposlenih je prisutna svaki dan. Dodatno na

ovo sada jedan slobodni strijelac bombarduje društvene mreže pričama o nekakvim bankomatima i sve vodi ka mogućem incidentu u Službi.

Istovremeno, prije nekoliko mjeseci uputila sam otvoreni poziv g. Pećancu da zajedno odemo do tužilaštva ili bilo kojeg drugog organa za provedbu zakona i da dokumentuje sve navode i da sam spremna snositi sve posljedice ako i jedna njegova tvrdnja bude tačna i istinita. Odbio je uz nastavak vrijeđanja kako po mrežama tako i po kuloarima.

**MONSTRUOZNE SU OPTUŽBE DA JE SLUŽBA BANKOMAT, DA SLUŽBA NAVODNO SLUŽI ZA PROMOCIJU PARTIJA, DA SAM UKLJUČENA U ORGANIZOVANU GRUPU ZA ČINJENJE NEZAKONITIH RADNJI U SMISLU TRGOVINE UTICAJEM..., DA KRIJEM DOKAZE, DA JE NA SCENI PRANJE DOKAZA, DA MIJENJAM ZAPISNIKE UPRAVNOG I NADZORNOG ODBORA, DA SEBI SALJEVAM STRAVU...**

OVOM PRILIKOM JAVNO POZIVAM SVE ISTRAŽNE ORGANE, POLICIJSKE ORGANE, PRAVOSUDNE INSTITUCIJE DA ODMAH, ALI ODMAH DOĐU U SLUŽBU I PROVJERE SVE OVE NAVODE G. PEĆANCA jer ponavljam da ovo korisnici usluga Službe čitaju i da se stvara slika da menadžment Službe služi samo za kriminal i za ništa drugo. *Ujedno, ova V.D. Direktorica niti jednog zaposlenika koji je bio bliski saradnik g. Pećanca nije pomjerila sa svog radnog mesta, pa tako niti rodicu g. Pećanca koju je zaposlio na radno mjesto rukovodioca finansija, pa tako niti kuma g. Pećanca kojeg je isto zaposlio za vrijeme svog mandata, pa tako ni predsjednika Nadzornog odbora koji je zaposlen u Službu za vrijeme mandata g. Pećanca, pa tako niti šefa Odjeljenja računovodstva kojeg je zaposlio u Službu za vrijeme svog mandata, a koji je član općinskog odbora partije kojoj pripada i g. Pećanac (nadam se da je dosta, a ima još).*

Ova V.D. Direktorica je od juna mjeseca bila stalni posjetilac istražnih organa povodom prijava koje sam podnijela protiv „najboljeg“ menadžmenta, a šta će sa istima biti to je do tužilaštva. Povodom svih prijava g. Pećanca ja molim, evo javno, da se prioritetno uzme u rad sve ono na šta insinuira g. Pećanac jer samo tako ćemo okončati ovu priču i prestati zamarati korisnike, društvene mreže i vlasti, te time stvoriti klimu da Služba može normalno raditi i poslovati. *U ovakvoj situaciji javnog linča je nemoguće voditi poslove jer stalno moramo objašnjavati da istina nije ono što g. Pećanac zamisli već ono što istražni ili pravosudni organi ocjene da je kriminal.*

Pored svega gore navedenog ponovit ću da od tih „najboljih“ sada imamo tužbu za prevaru odnosno pogrešno bodovanje primljenih po konkursu, imamo zahtjeve za isplatama desetina hiljada KM po programima čijom realizacijom niko nije zaposlen, imamo tužbu g. Pećanca za isplatom desetina hiljada KM po Aneksu ugovora o angažmanu i to koji je potpisana od predsjednika UO i koji nikad nije bio na UO niti ga ima u protokolu Službe, a advokat po predmetu je član UO iz tog perioda, imamo dokument gdje se mailom određuje koliko će biti plaćeno po polazniku prekvalifikacija (predviđeno 1,500 KM, a onda mailom, nemoj malo je stavi 3,000 KM), imamo da se u piceriji zaposli psiholog, imamo zapošljavanje rodbine u Službu, imamo revizorski izvještaj u sklopu kojeg nije potpisano pismo Uprave jer g. Pećanac to nije želio potpisati, imamo plaćenih kazni 10.000 KM i u najavi još nekoliko tisuća KM, itd, itd.

Na kraju, TRAŽIM ANGAŽMAN SVIH KOJIMA DOSTAVLJAM OVAJ DOPIS JER AKO SE INCIDENT DESI ŽELIM DA OVAJ DOPIS OSTANE KAO DOKAZ DA SAM REAGOVALA I TRAŽILA DA ME ISPITA KO GOD HOĆE I DA SE PODASTRU DOKAZI DA JE Služba trenutno bankomat za stranke i pojedince. Kao druga solucija je da se ovaj čovjek zaustavi u insinuacijama koje piše i govori gdje stigne.

Ova VD Direktorica niti jednog zahtjeva od Vlade KS, resornog ministarstva, Upravnog odbora ili bilo koga drugog nije imala da finansira bilo šta drugo osim aktivnosti Službe. Zahtjevi Premijera KS, resorne ministriche Jasne Agić i Upravnog odbora su bili da pošteno, savjesno i zakonito obavljaju ovaj posao i na svim sastancima ovaj zahtjev je bio jedino

upućen i smatram da svako onaj ko misli drugaćije ima mogućnost prijave, ali blatiti i insinuirati kriminal je kleveta i ništa drugo.

S poštovanjem,

VD DIREKTORICA

Edina Ljubuškić

IZJAVE g. Nermina Pećanca

Moja intencija, kao Premijera tada nije bila da se ta *Služba pretvorí u bankomat za stranke i pojedince, čemu upravo opet trenutno služi*, već da rješava pitanje nezaposlenosti u Kantonu Sarajevo na način kako je to radio najbolji menadžment šestorke, odnosno današnje četvorke (i šire).

Molim sve one koji mi šalju fotografije otvorenih kancelarija u kasne sate Službe za zapošljavanje Kantona Sarajevo na Ilidži a koje rade navodno u predizborne svrhe jedne partije neka iste pošalju, trenutnoj VD direktorici.

I ostale informacije koje dobijam ovih dana o tome šta se dešava u Službi ja bih zamolio da oni koji ih šalju objave prvi, pa će ja isto objaviti odmah iza njih. Pošto tražite moj komentar, samo mogu reći da je sada potpuno jasno zašto je zajedno sa mnom smjenjen najbolji menadžment Službe za zapošljavanje Kantona Sarajevo poslije rata. Ta lica su kontinuirano bila uključena u organizovani grupu za činjenje nezakonitih radnji u smislu trgovine uticajem, zloupotrebu službenog položaja, sticanje protupravne koristi itd. U narednom postu ćemo objaviti njihova imena, motive i način na kojii su se povezivali u vršenju nezakonitih radnji

Nažalost osim što stalno prozivaju mene, niko iz službe ne govori o kriminalu koji je de facto tamo počinjen i to u domenu koruptivnih radnji i organiziranog kriminala, vjerovatno zato što su nosioci tog kriminala u prilici da optužuju sve druge i da kriju dokaze. Međutim istraga koja se vodi protiv nosioca kriminala će vrlo brzo pokazati ko je i kako poslaovao i rukovodio JU Služba za zapošljavanje Kantona Sarajevo.

*Dokazi o njenom uplitanju u sve nezakonite radnje naravno nigdje se ne spominju, jer se to nastoji minimizirati odnosno na sceni je "pranje" dokaza.*

Istina je naravno sasvim drugačija. V.d. direktorica radi punom parom, ali na prebiranju zapisnika Upravnog i Nadzornog odbora i njihovom mjenjanju i izvrstanju činjenica sa kojima plaši rukovodice sektora, a u stvari sebi saljeva stravu.

I na kraju ćemo ponovo poslati dokaze koji dokazuju kriminal, a ujedno na taj način ćemo spriječiti već navedeno "pranje" dokaze.

**Njih je zaboljelo što sam im odmaknuo ruke s blagajne.** Znali su da više ne mogu vrtjeti s parama kao do sada, pa su tražili način da me "smaknu".

Dostaviti:

- Naslovu,
- Evidencija,
- A/a.

Sarajevo, Đoke Mazalića 3,  
web-stranica: [www.szks.ba](http://www.szks.ba); e-mail adresa: [info@szks.ba](mailto:info@szks.ba)  
Tel: ++387 (33) 569-100, fax: 204-177; Matični broj: 4200304610003;  
Poreski broj: 01079085; Računi Intesa Sanpaolo Banka d.d. Sarajevo:  
1549212010171056-depozitni račun, 1540012000135120-transakcijski račun

